

前漢書卷九十六上考證

西域傳本三十六國○

臣召南

按荀悅漢紀列三十六

國名目王應麟謂傳旣言三十六國皆在匈奴之西
烏孫之南則烏孫不與矣又康居大月氏安息罽賓
烏弋之屬皆以絕遠不在數中難兜屬罽賓亦不在
數中大率祇就屬都護者計之也

漢使西域者益得職注師古曰賞其勤勞皆得拜職也
○胡三省曰顏說非也此言漢使入西域諸國不敢
輕忽爲得其職耳得職者不失其職也

是歲神爵三年也○

臣召南

按宣紀是神爵二年事此